

किर्स्तुना बळयि पत्रु रासतदु मुनेता सीटि

येसुसामिन नमवालोर माट विस्वसिरिहक वने वेल्लाडे तिपल्क, अड्सन्क, हामुरलेहकाडाड आकाड-दोकाड वास्ताड. इद्रमताड मोकानस्के, माट बेद्रम दीरा पोस मनदना इन्जि, येसुसामिना बळयि पत्रु इद सीटटे रासिहतोग. इगडोरल माट आयवल, आटुम वातोरा लेहका रेंड दियानोरा लेहका महनल, तेना सीता पत्रु कीसीस्तोग. मीट बोरिर येसुनेनाहकु तिपलते मनवालोरिर, इद सीटटुन अर्विसि, देवुळतगा आसाते मन्हटु. येसु वने इद बूमतगा मनदनस्के, देवुळतगा आसा तासिसि, वेल्लाय तिपलतुन आपतोग इन्जि सीता कीम्हटु. तिपल्क वातेकाय, वावेकाय, मावा मनमुळि, ताकमुळि देवुळता मुनेह पवित्र मनदना, इदे पोल्लो आंदु. लोतोरा संगे, माल्कालोरा-ओर्युलतोरा संगे, ओसो मावा ऐंगेटर विस्वसिरा संगे माट बह ताकना, इव कतमतविन पत्रु वेहतहतोग.

पत्रु विस्वसिरिन जोहर कीस्तोग

1 नना पत्रुनन, येसु किर्स्तुना बळयिनन,✧ इद सीटि रासिहनन. पुंतुस,✧ गलाति,✧ कपदुकिया,✧आसिया ओसो बितुन्या,✧ इव रोम राजेमताड पटिने बिरोबटो आसि मतोर,✧ इद दुनियाते रेंड दियाड मनवालोर,✧

2 देवुळ आचतोर लोकरिहकु✧ रासिहनन. मावा देवुळबाबाल मीक मुनेने आचिसि, तना पवित्र जीवाता मेटे, मीकु तना पवित्र लोकर कीतोग.✧ बाराहक इतेके, मीट येसु किर्स्तुना पोल्लो केंजिसि ताकना,✧ ओसो हक्कनागुटातगा मियेनाहक पोवतद ओना नेतुरते, मीवा पापम एडना इन्जिये,✧ देवुळ मीकु आचता.

अमेसाता मनमुळता आसा

देवुळताहि मीकु लेकालेवा सुकमि, देय्वा दोर्कसोर मनि!✧

✧ 1:1 1:1 2 पत्रु 1:1 ✧ 1:1 1:1 बळयिर 2:9-11 ✧ 1:1 1:1 बळयिर 16:6
 ✧ 1:1 1:1 बळयिर 2:9-11 ✧ 1:1 1:1 बळयिर 16:7 ✧ 1:1 1:1 याकुब 1:1
 ✧ 1:1 1:1 इब्रितोर 11:13; 1 पत्रु 2:11 ✧ 1:2 1:2 रोम सहरतोर 8:29 ✧ 1:2
 1:2 2 तिसलुनितोर 2:13 ✧ 1:2 1:2 1:14,22 ✧ 1:2 1:2 इब्रितोर 10:22; 12:24
 ✧ 1:2 1:2 2 पत्रु 1:2

3 मावा सामि येसु किर्स्तुना देवुळबाबाहकु जोहर आयि!✧ ओगो माकु पका जीवा लोपताहकु, माकु पूना मनमुळ दोर्कता.✧ इद बेद्रमता मनमुळ इतेके, देवुळबाबाल येसुसामिनु हामुरताहि जीवा अर्हचीताहकु, माकु उंदि बेस्केन मायवद आसा दोर्कता.✧

4-5 ओसो मयेनाहकु इन्जि, देवुळदीपते बेरा उंदि जीवाता बर्कत तासतद मन्हता.✧ अद उंदि बेस्केन बूळेम आयवदु, माचलेवदु, वागवदु बर्कत आंदु.✧ इद बर्कत आक्रिता दियाते देवुळि सबेटोर विस्वसिरिहक तोहतगा.✧ अदु बर्कत मीक दोर्कनाहजोमु, देवुळि तना लावते मीकु काप आडगा,✧ बाराहक इतेके, मीटु देवुळता पोगोन बर्वस तासिहनिर इनजोरै.✧

6 अदिनेनाहकु मीट पका गिर्दा आम्हटु. इंजेके गयक मीकु तिपलते रीतरितीनाड दुकहकिन आप पोयतगा;✧ तेला मति गिर्दा आम्हटु.✧

7 इव दुकहकु मीवा विस्वसता पट ऊळिहताड. बह इतेके वेल्ला दाराता बंगरि, किसतगा वाटिस जूत कीतेक तेला,✧ आक्रिते बूळेम आस्ताये. मति मीवा विस्वस इंका बंगरतुहकाय एक्वा दाराता. अदिनेनाहकु अदु मीवा विस्वस, किसलेहकाडा तिपलताहि दीराते पेसिस वाता इतेके, मीट असलतोरिर इन्जि, देवुळि मीकु वेल्ला कदर ईयगा.✧ इद बेस्के आयगा इतेके, येसु किर्स्तु पूरा दुनियातोरिहक दिससोरै वायनोग, अस्केने.✧

8 मीटु येसुसामिन बेस्केने ऊळवेकाय, ओन जीवा कीय्हनिर; ओग दिसवेकाय ओन नमिहनिर.✧ मीट नमिसि, वेहता वावप अचोन गिर्दा आय्हनिर.

9 मीट ओन नमताहके, ताना पायदा इन्जि, ओग मीवा जीवातुन पिसिह कीस्तोग.

10 इद पिसिह कीयना पोल्लोता लोप्पा, देवुळता देखा मीक दोर्कगा इन्जि,✧ मुनेता कालमतेने ताना कबुरतोर वेहचि; मति ओरिहक वने इद पोल्लो पूरा

✧ 1:3 1:3 2 कुरिततोर 1:3 ✧ 1:3 1:3 गलातितोर 6:16; तीतुस 3:4-5; याकुब 1:18; 1 पत्र 1:23 ✧ 1:3 1:3 1 कुरिततोर 15:20; 1 पत्र 3:15,21; 1 योहन 3:3 ✧ 1:4-5 1:4-5 योहन 14:2; बळयिर 20:32; रोम सहरतोर 8:17; कुलुसितोर 3:23-24 ✧ 1:4-5 1:4-5 5:4 ✧ 1:4-5 1:4-5 4:12-13; 5:1 ✧ 1:4-5 1:4-5 योहन 10:28; पिलिपितोर 4:7; 2 तिसलुनितोर 2:13-14; इब्रितोर 10:34; यहुदाल 1 ✧ 1:4-5 1:4-5 इपिसुसतोर 2:8 ✧ 1:6 1:6 4:12-13; 5:10 ✧ 1:6 1:6 रोम सहरतोर 5:2; इब्रितोर 12:11; याकुब 1:2 ✧ 1:7 1:7 1 कुरिततोर 3:13 ✧ 1:7 1:7 रोम सहरतोर 2:7,10; याकुब 1:3; तोहचीतव पोल्लोड 3:18 ✧ 1:7 1:7 लूकाल 17:30; रोम सहरतोर 8:19; 1 पत्र 4:12-13; 5:1 ✧ 1:8 1:8 योहन 20:29; 1 योहन 4:20 ✧ 1:10 1:10 1:13

तेळियवाय मता. अदिहके ओरु इद बहु इनजोरे, आचसोरे पर्वकिंदुर.

11 अस्के किर्स्तु बह तिपल आसि हायनोग, ओसो ताना पया बह ओन्कु देवुळदीपते देवुळतेनाह कदर दोर्कगा इनजोरे, ✨ ओर कबुरतोर लोप्पा मतदु किर्स्तुना जीवा ओरिहक वेहता. ✨ मति ओरु इद पोल्लो बेद कालमते आयगा, ओसो बेद्रम आयगा इनजोर, आलिह कींदुर. ✨

12 इव गोटिड मात्रम ओरेनाहक आयोड, मति वायना कालमतोरेनाहक इतेके, मियेनाहकु मन्हताड इन्जि, देवुळि ओरिहक पुन्पिह कीता. ✨ अद्रमे मावा कालमते अव सबे गोटिनु, येसुना मेटे बेसता कबुर वेहवालोर, देवुळदीपताहि लोहतद देवुळता पवित्र जीवाता लावते, ✨ मीकु वेहतोर. ✨ देवतुल्क इंका इव असलताड गोटिड बेद्रम आस्ताड, इदिन पुनदलाह ऊळसोरेन मन्हताड! ✨

पवित्र आम्हट!

13 अदिनेनाहकु मीटु बेस बुदते मन्जि, उसरते मन्हटु. ✨ ओसो येसु किर्स्तु मल्स वायना वेलाते, ✨ मीकु दोर्कना बर्कततगा ✨ पूरा आसा कीस मन्हटु. ✨

14 मीटु देवुळताडे मगक-मयास्क आय्हनिर इन्जि, ताना पोल्लो केंजाटु. ✨ मुने मीटु देवुळतुन पुनवाहकु, पापमताड विचर्कने ताकिदिर. ✨ इंजेक ओसो पापमता अगदे मल्स अनमाटु. ✨

15 मति मीक आचतद मीवा देवुळि बेचोन पवित्र मन्हता, अद्रमे मीट वने मीवाड सबे कबस्कने, विचर्कने पवित्र मन्हटु. ✨

16 पवित्र साभ्रमते वने देवुळि इहे वेहतहता, नना पवित्र महनन इन्जि, मीट वने पवित्र आम्हटु. ✨

17 मीटु “ए बाबा!” इन्जि केयिसि मोळकनद देवुळि, ✨ बेस्केने मोकम ऊळिसि नेयम केवो, ✨ अद मीवा ताकमुळतुन ऊळिसि नेयम कीस्ता. अदिहके मीटु इद

✨ **1:11 1:11** मत्याल 26:24; लूकाल 24:26,44 ✨ **1:11 1:11** 2 पत्र 1:21
 ✨ **1:11 1:10-11** 2 पत्र 1:19 ✨ **1:12 1:10-12** इब्रितोर 1:1 ✨ **1:12 1:12**
 बळयिर 2:2-4 ✨ **1:12 1:12** 1:24-25; 4:6 ✨ **1:12 1:12** 1 तिमोति 3:16
 ✨ **1:13 1:13** 1 तिसलुनितोर 5:6,8; 2 तिमोति 4:5; 1 पत्र 4:7; 5:8 ✨ **1:13 1:13**
 1:7 ✨ **1:13 1:13** 1:10 ✨ **1:13 1:13** रोम सहरतोर 8:19 ✨ **1:14 1:14**
 1:2 ✨ **1:14 1:14** इपिसुसतोर 4:18 ✨ **1:14 1:14** रोम सहरतोर 12:2; 1 पत्र 4:2-3
 ✨ **1:15 1:15** 1 तिसलुनितोर 4:7; 1 योहन 3:3 ✨ **1:16 1:16** लैव्यव्यवस्था 11:44-45;
 19:2; 20:7 ✨ **1:17 1:17** देवुळताड पाटाड 89:26; यिर्मयाह 3:19; मत्याल 6:9; रोम
 सहरतोर 8:15 ✨ **1:17 1:17** बळयिर 10:34

दुनियाते पयनम अनवाना लेहका आसि, रेंड दियाड मनदहपा, ✧ देवुळतुन रेयिसि ताकाट, ✧

18-19 मीवाड तादोर-बाबोराड अड्ळमताड उतुर्कनाहि, देवुळ मीकु बह कीसि विळिसह कीता, तान मीट पुह्निर. ✧ अदु मीकु बूळेम आयनदु बंगरताड, वेंडटाड कोताना जमानत कीसि, विळिसह केवो. मति बेदे डागिललेवदु, कसुरलेवदु मोक आयनदु गोरपिलालेहकाडोग किर्स्तु, ✧ ओना नेतुरता जमानत कीसि, मीकु विळिसह कीता. ✧

20 इदे कबळतुहक इन्जि, देवुळि येसुनु इदु बूमि पुटनामुनेने, आचिस मता; ✧ मति इंजेके इव आक्रिताड दियानेन, ✧ येसु मियेनाहक इन्जि, इद बूमते वासि, दुनियातोरिहक दिसतो. ✧

21 येसु मियेनाहक बाताल कीतोग, तान ऊळिसि मीटु देवुळता पोगोन विस्वस तासिह्निर. देवुळि येसुनु हामुरताहि जीवा अर्हचि, ओन्कु बेरा पेदिर ईसि तासता. ✧ तासताहक, मीटु देवुळता पोगोन विस्वस तासिसि, करलता आसाते म्हन्निर. ✧

22 येसुना सेतेमता कबुरतुन केंजिस ताकताहकु, मीटु पापमताहि एडटिर. ✧ अदिहक मीटु ओर्विहक-ओर्वोग सेतेमते जीवा कीया पगयह्निर. अद्रमे इंजेके मीवा लेहका विस्वसिर आतोरिन, मीटु पूरा जीवाताह जीवा कीम्हटु. ✧

23 येसुना कबुर केंजिस नमताहकु, इंजेके मीटु पूना पुटटप आतिर. ✧ तलोग-तपेराहि पुटटद जीवा डोलिहताये; मति देवुळता अमेसा मनदनदु बेस्केन मिळन्दवदु पोळ्लो केंजताहकु, माक पूना जीवा दोर्कता, अद बेस्केन डोलो. ✧

24-25 इदिन माट पुहनल बाराहक इतेके देवुळता कबुरतोग ओर्वोग वेहतोगः
माने-मन्कलोर रोंडाये

✧ **1:17 1:17 2:11** ✧ **1:17 1:17** रोम सहरतोर 11:20; 2 कुरिततोर 7:1; इन्नितोर 12:28 ✧ **1:18-19 1:18-19** इपिससतोर 4:17 ✧ **1:18-19 1:18-19** योहन 1:29; तोहचीतव पोळ्लोड 5:6,9-10,12 ✧ **1:18-19 1:18-19** मार्कल 14:12; बळयिर 20:28; रोम सहरतोर 3:25-26; 1 कुरिततोर 6:18-20; तीतुस 2:14; इन्नितोर 9:12; तोहचीतव पोळ्लोड 14:5 ✧ **1:20 1:20** बळयिर 2:23; इपिससतोर 1:4; तोहचीतव पोळ्लोड 13:8 ✧ **1:20 1:20** इन्नितोर 1:2; 9:26 ✧ **1:20 1:18-20** 1 तिमोति 3:16; 1 योहन 3:5 ✧ **1:21 1:21** योहन 17:5,24; 1 तिमोति 3:16; इन्नितोर 2:9 ✧ **1:21 1:21** रोम सहरतोर 4:24-25; 10:9; 1 पत्र 1:3 ✧ **1:22 1:22** याकुब 4:8 ✧ **1:22 1:22** योहन 13:34; रोम सहरतोर 12:10; इन्नितोर 13:1; 1 पत्र 2:17; 3:8; 4:8; 2 पत्र 1:7 ✧ **1:23 1:23** योहन 3:3; 1 पत्र 1:3 ✧ **1:23 1:23** योहन 1:13; तीतुस 3:4-5; याकुब 1:18

ओरा डीसा पुंगेहके.
 रौंडा इंका वतिहता
 पुंगेहक इंका रालिहताड,
 मति देवुळता पोल्लो अमेसा-अमेसातुहक मन्हता! ✨
 अदे मीटु केंजतदु येसुना लोप्पा बेसता कबुरि. ✨ अहे, इंगो!

2

1-3 इंजेके मीटु देवुळि बेचोन बेस गूनमता मन्हता इन्जि पुतिर. ✨ इतेके मीटु मीवाडः सवे लाग्वाडः कबस्किन विळिससीम्हटुः सवे कुळसा, सवे सोडु, नाळेह कीयनद बुदि, ओसो जीवा कर्वतप आयनदु, कूदिङ दायनदु, ✨ इविन विळिससीम्हटु. ✨ इंजेक पुटटोग कस्मुल बाला पेकाल बेद्रम पाल उनडलाह गिर्दा आस्तोग, अद्रमे मीटु इंका मीवा जीवातुहकु, पाललेहका मनदनदु देवुळता पोल्लोतुन पुनदलाह, गिर्दा आम्हटु. ✨ इद्रमता पाल उनजोर मतिर इतेके, मीट देवुळतके दायनद वेला एवनाहि, विस्वसते बेर्ससोर मनदकिर. ✨

देवुळता लोकर जीवात मनदनव बंडानलेहकाडोर

4 दुनियाते विस्वसलेवोर मन्कलोरे, येसुनु अड्ळमतोग इन्जि पोहचीतप ऊळतोर, ✨ मति देवुळ ओनु कूब असलतोग इन्जि आचिसि, (तना लोतुहकु आदर ईयनद मोदुल-बंडा इन्जि) तासता. ओगु जीवात मनदनदु बंडाता लेहका मन्हतोग.

5 ओना एरे वाताहकु, मीट इंका जीवात मनदनव बंडानलेहका आसि, देवुळि तना जीवातुहक जागा कीयलाह, मीकु लोनलेहका दोहतहता. ✨ मीटु इंजेके देवुळतुहक इन्जि अलग आतिर; मीटु बूमयालोरा लेहका मन्जि, ✨ येसु किस्तुनेनाहि देवुळबाबान गिर्दा कीयलाहि मोक ईतपु, आपुनाडः विचर्किन पोहचि, देवुळता विचर मतप ताकिहनिर. ✨

✨ 1:24-25 1:24-25 यशायाह 40:6,8; याकुब 1:10 ✨ 1:24-25 1:24-25 इब्रितोर 6:4-6; 1 पत्र 1:12; तोहचीतव पोल्लोड 14:6 ✨ 2:1-3 2:1-3 देवुळताडः पाटाड 34:8; तीतुस 3:4-5; इब्रितोर 6:4-6 ✨ 2:1-3 2:1-3 2 कुरिततोर 12:20 ✨ 2:1-3 2:1-3 इपिसुसतोर 4:22,31 ✨ 2:1-3 2:1-3 मत्याल 18:3; 19:14; मार्कल 10:14; लूकाल 18:16; 1 कुरिततोर 3:2; 14:20 ✨ 2:1-3 2:1-3 इपिसुसतोर 4:15-16; इब्रितोर 5:12 ✨ 2:4 2:4 2:7 ✨ 2:5 2:5 1 कुरिततोर 3:9; 1 तिमोति 3:14-15 ✨ 2:5 2:5 यशायाह 61:6; 66:21; 1 पत्र 2:9; तोहचीतव पोल्लोड 1:6 ✨ 2:5 2:5 रोम सहरतोर 12:1; 15:16; तोहचीतव पोल्लोड 20:6

6 अद पोल्लोता लोप्पा पवित्र सास्त्रमते वने देवुळि इहे इन्हता:
नना येस्सलेम सहरते बंडालेहकाडोन ओर्विन तासिह्नन,

ओगु नना आचतोऱु असलता आदर ईयनद मोदुल-बंडालेहकाडोग, ✨
ओना पोगोन बोर बर्वस तासिह्नतोर, ओर बेस्केने मेसेह्ने आयोर आयनुर. ✨
7 बोर येसुन नमिह्नतोर, ओरिह्नक ओग असलतोगे! मति बोर ओन नमोर, ओरा
लोप्पा सास्त्रम इह वेहतहता:

बेद बंडातुन बेल्दकुं पोहचीतप ऊळतोर,

अदे बंडा इंजेके आदरता मोदुल-बंडा आता. ✨

(अद्रमे ओर नमवोरु येसुसामिन पोहचीतप ऊळिह्नतोर.) ✨

8 “अदु ओरिह्नक कोदुर ईयनद बंडालेहका आसि,

मुटिह कीयनद आदलेहका आता,” ✨

इन्जि इंका पवित्र सास्त्रम वेहतहता. तना पेकाना लोप्पा देवुळता वेहतद पोल्लोन
केंजवाहकु, नमवाहकु, ओरु कोदुर ईसि अरयह्नतोर. ✨ ओरु अरथिर इनजोर, देवुळ
ओरिन आचिस तासता. ✨

9 मति मीटु अद्रमतोरिर आयविर. मीटु देवुळ आचतोरिर ✨ येसुराजानाड
बूमयालोरिर, ✨ मीट पवित्र आयना इन्जि वेगुर आतोरिर, ओसो देवुळताये
लोकुरिर. ✨ बेद देवुळि मीकु ईकळताहि केयिसि, ✨ बेस्केन ऊळवद वेहचते तता, ✨
अदे देवुळताड असलताड कबस्किन, दुओरिह्नक मीट वेहतकिर इन्जिये, (अद
मीकु इचोन कदर ईस तासता).

10 देवुळता कबुरतोग ओवोर्ग, मुने मीवा लोप्पा इह रासतोग:

मुने मीटु बोनाय लोकुरिर आयविर,

मति इंजेके मीटु देवुळता लोकुरिर आतिर.

मुने मीटु देवुळता गूनमतुन पुनविर,

✨ 2:6 2:4-6 1 कुरिततोर 3:11; इपिसुसतोर 2:20 ✨ 2:6 2:6 यशायाह 28:16;
रोम सहरतोर 9:32-33 ✨ 2:7 2:7 देवुळताड पाटाड 118:22; मत्याल 21:42; मार्कल
12:10-11; लूकाल 20:17; बळयिर 4:11 ✨ 2:7 2:7 2:4 ✨ 2:8 2:8 यशायाह
8:14 ✨ 2:8 2:8 रोम सहरतोर 9:32-33; 1 कुरिततोर 1:23 ✨ 2:8 2:8 रोम सहरतोर
9:22; यहूदाल 3-4 ✨ 2:9 2:9 यशायाह 43:20; व्यवस्थाविवरण 10:15 ✨ 2:9 2:9
यशायाह 61:6; 66:21; 1 पत्र 2:5; तोहचीतव पोल्लोड 1:6; 20:6 ✨ 2:9 2:9 पेसमुळि
19:5-6; व्यवस्थाविवरण 4:20; 7:6; 14:2; तीतुस 2:14; तोहचीतव पोल्लोड 1:6; 5:9-10
✨ 2:9 2:9 रोम सहरतोर 8:28 ✨ 2:9 2:9 यशायाह 9:2; 42:16; बळयिर 26:18; 2
कुरिततोर 4:6

मति इंजेक मीटु देवुळता गूनमतुन पुतिर.✧

11 ए नावाड गोतयालोरिर, मीवा देवुळदीपता लोताहि मीटु जेक आसि, इद दुनियाते रेंड दियाड महनिर.✧ अदिहके मीक नना वेहतहनन, अमेसा मीवा जीवाता अडम मनदनव विचर्कनाहि, इतेके मीवाड लाग्वाड विचर्कनाहि, जेक आम्हटु.✧

12 देवुळतुन पुनवोरा नडुम मनदहपा, मीटु कसुरलेवपु असल मन्हटु. ओर मीकू “वेर लाग्वोरे!” इन्जि कसुर तोहतेकाय,✧ मीवा असलता ताकमुळतुन ऊळनुर. ऊळिसि पया पेगेके ओर इंका देवुळता मोकम ऊळनद दियाते, देवुळतुनु मान ईयनुर.✧

अदिकरते मनवालोरुड पोल्लोड केंजना

13-14 येसुसामिहकु मान दोर्कना इन्जि, इद दुनियाते अदिकरते मनवालोरु पोल्लोते वगडिस मन्हटु: बेरोग राजाल मनेग, ओसो ओग लोहवालोर अदिकरतोर मनिर, ओराड पोल्लोड केंजसोर ताकाटु. बाराहक इतेके ओर अदिकरतोर, बेसता कबळ कीतोनु कदरते ऊळना, लाग्वा कबळ कीतोन बारा सिक्सा ईयना इन्जि, राजाल ओरिन लोहतोग.✧

15 देवुळता विचर बह मन्हता, बुदलेवा मीवा अडम वळहकवालोर, मीवा असलता ताकमुळतुन ऊळिसि, मीवा पोगोन कसुर ओपलाह बातय दोर्कवाहकु, केमेन आयना इन्जि.✧

16 (मीटु देवुळता लोकरुरि आताहकु,) इंजेके बोराय कय इळन इलविर, निटमे! अदिनेनाहकु मीटु माक विचर वातपु कीकोम इन्जि, लाग्वाड कबस्कने दलग्माटु. मति माट देवुळता कय इळन मनवालोरुम इन्जि,✧(ताना पोल्लो केंजसोर) बेस मन्हटु.✧

✧ **2:10 2:10** होशे 1:10; 2:23; रोम सहरतोर 9:25-26 ✧ **2:11 2:11** लैव्यव्यवस्था 25:23; देवुळताड पाटाड 39:12; इपिसुसतोर 2:19; इब्रितोर 11:13; 1 पत्र 1:1,17 ✧ **2:11 2:11** रोम सहरतोर 7:23; 13:14; गलातितोर 5:24; 1 योहन 2:15-16 ✧ **2:12 2:12** बळयिर 28:22 ✧ **2:12 2:12** मत्याल 5:16; 9:8; रोम सहरतोर 14:18; पिलिपितोर 2:15; तीतुस 2:7-8; 1 पत्र 2:15; 3:16; 4:11,16 ✧ **2:13-14 2:13-14** रोम सहरतोर 13:1,3-4 ✧ **2:15 2:15** 2:12; 3:17 ✧ **2:16 2:16** रोम सहरतोर 6:21-22; 1 कुरिततोर 7:22 ✧ **2:16 2:16** योहन 8:32; गलातितोर 5:13; याकुब 1:25

17 इतेके, सबेटोरिहक मान ईयना, ✨ आपुनाड ऐंगेटोर विस्वसिरिन तमोग-दादानलेहका जीवा कीयना. ✨ देवुळतुहकु रेयिस मनदना, ओसो राजानु मान ईसि ताकना. ✨

18 मीट ओर्युलतोरिर, मीवाड माल्कालोरा पोल्लोते वरेम आस मन्हट्टु; ✨ सिरप गूनमतोरगाने आयो, मति कळकते मनवालोर माल्कालोरगा वने, ओराड पोल्लोड केंजिस तिरियाट्टु. ✨

19 बोगाय कसुर-कायदालेवा तिपल अरतेके, ओगु देवुळ नाक ऊळिहता, तान सीता कीसि, अद तिपलतुन दीरा पोसि आपतेके, ओना पोगोन देवुळि गिर्दा आस्ता. ✨

20 मीट कसुर कीसि, देबाड तिन्जि दीरा पोसि आपतेके, मीक ओसो बाताल बेरातनमि? मति बेसतल कबळ कीस तेला देबाड तिननेके, मीट दीरा पोस आपतिर इतेके, देवुळि मीवा पोगोन बेचोन गिर्दा आस्ता! ✨

21 इद्रमे मनदना इन्जि, देवुळि मीकु केयता. ✨ येसु किर्स्तु इंका मयेनाहकु तिपल अर्सि, माकु उंदि अग तोहतोग. ✨ ओना कोजता पेग्के कोज वाटिस, मीट ओना लेहका दीरा पोसि ताकना इन्जि. ✨

22 ओगु बातय कसुर केवोग, ओना तोडटाहि बेस्केने नाळेह कीयनद पोल्लो पेसो. ✨

23 ओना मोकम एग रेहतोर, मति ओगु कोदा पोसि बोनाय मोकम एग रेहोग. बेचोन तिपल अर्स तेला, नाक अह कीय्हनिर मति ऊळाट इन्जि, मुर्तिय दगाड एवोग. ✨ मति सेतेमते नेयम कीयनद देवुळतुन नमिसि, ताना कयदे तन्क विळिससीतोग. ✨

24 माट्टु मावा पापमताड विचर्कनाहि पिहट अर्सि, सेतेमते ताकनेनाहक, ✨ ओगु मावा पापमता सिक्सातुन तना मेंदुदा पोगोन एचि, ✨ हक्कनागुटातगा डोलतोग. ✨ ओगु देबाड तिन्ज नोमुर आताहके, मीट मीवा जीवाते बेस आतिर. ✨

✨ **2:17 2:17** रोम सहरतोर 12:10; 13:7 ✨ **2:17 2:17 1:22** ✨ **2:17 2:17** बुदताड पोल्लोड 24:21; मत्याल 22:21; मार्कल 12:17; लूकाल 20:25; 1 पत्र 2:13-14 ✨ **2:18 2:18** इपिसस्तोर 6:5; कुलुसितोर 3:22 ✨ **2:18 2:18 1** तिमोति 6:1 ✨ **2:19 2:19** रोम सहरतोर 13:5; 1 पत्र 3:14,16-17 ✨ **2:20 2:20 3:17; 4:15** ✨ **2:21 2:21** बळयिर 14:22; 1 पत्र 3:9 ✨ **2:21 2:21 3:18; 4:1,12-13** ✨ **2:21 2:21** मत्याल 11:29; 16:24; 1 योहन 2:6 ✨ **2:22 2:22** यशायाह 53:9; 2 कुरिततोर 5:21; तोहचीतव पोल्लोड 14:5 ✨ **2:23 2:21-23 3:14** ✨ **2:23 2:23** यशायाह 53:7; इब्रितोर 12:3; 1 पत्र 3:9 ✨ **2:24 2:24** रोम सहरतोर 6:2-4,13 ✨ **2:24 2:24** इब्रितोर 10:5 ✨ **2:24 2:24** यशायाह 53:4,11; रोम सहरतोर 6:2-4,11; 1 कुरिततोर 15:3; कुलुसितोर 2:13-14; इब्रितोर 9:28 ✨ **2:24 2:24** यशायाह 53:5

25 मुने मीटु लेसताड गोरनलेहका, अग विळिसस अनजोर मतिर. ✧ मति इंजेके मीवा जीवातुन काप आडवाल कोपानगा मीट मल्स वातिर. ✧

3

मुते-मुजोना ताकमुळि

1 अद्रुमे मर्मिंड आताड आस्कनिर, मीट मीवाड मुजोरा पोल्लोते वग्डिस मन्हटु. ओरु विस्वसते वावेकाय, येसुनगा वायु इनजोर माट वेहवाये, मावा असलता ताकमुळतुन ऊळिस तेला, मावाड मुजोर विस्वसते वायनुर इन्जि, मीट ओरा पोल्लोते वग्डिस मन्हटु. ✧

2 बह इतेके, मीटु सेतेमते ताकनदिन, ओसो मुजोराये पोल्लोते तिरियनदिन ✧ ऊळिसि, देवुळतुन पुनदलाह गिर्दा आयनुर.

3-4 बेस-नेहना तला ऊळिसि मिचना, वेल्लाय दाराताड मिळस्कनाड दुमेड-दग्राड केगयना, ओसो रीतरीतिनाड तूळनाड गेंदेड उहतना, इद्रमता पलत दिसनद सोबाता पोमाडेड केमाटु. ✧ मीटु इद्रम मलियवा, बुदते उड्ला आसि उड्ला पोल्लोते वळ्हकना, इद्रमता बूळेम आयवद जीवाता सोबाते मलियिस मन्हटु. ✧ इद्रमता सोबातुन देवुळि बेस इन्हता.

5 इद्रमलेहकाने मुनेता कालमताड देवुळतुन माळनव आस्कु तान नमिसि, तमाड मुजोर वेहताड पोल्लोने वग्डिस मन्जि, अदे माक सोबा इन्जि मताड. ✧

6 अब्रहम मुय्तोना मुते, साराल सेळो अहे कीदु. तना मुजोनु “माल्का,” इन्जि वळ्हकिदु, ओगु वेहतप काळिंडु. ✧ मीटु नेहना कबळ कीसोर, मुजोरिन ओसो बार्किया रेयकिर, ✧ मति सारानाय रीतते ताकनविस्कनिर आयकिर.

7 मुजोरिर, मीट वने मीवाड मुतेस्किहकु कदर इम्हटु. मीवा लेहका अविस्किहक लाव इले, ✧ मति देवुळता दयाते दोर्कनद पूना मनमुळते, मीवा ऐगे अविस्किहक वन तूसु अचोने! इदे बुदते मीवाड मुतेस्कना पोटालोप्पाडाड

✧ 2:25 2:25 यशायाह 53:6; इब्रितोर 5:2 ✧ 2:25 2:25 योहन 10:11; इब्रितोर 13:20-21; 1 पत्र 5:4 ✧ 3:1 3:1 इपिसुसतोर 5:22; कुलुसितोर 3:18; तीतुस 2:5; 1 पत्र 3:1 ✧ 3:2 3:2 इपिसुसतोर 5:33; 1 तिमोति 2:11 ✧ 3:3-4 3:3-4 यशायाह 3:18-23; 1 तिमोति 2:9 ✧ 3:3-4 3:3-4 रोम सहरतोर 7:22 ✧ 3:5 3:5 1 तिमोति 5:5 ✧ 3:6 3:5-6 पुटमुळि 18:12; इपिसुसतोर 5:33 ✧ 3:6 3:6 3:14 ✧ 3:7 3:7 1 कुरिततोर 12:22-24

विचर्किन पुनदलाह पर्हकाटु, ✨ इद्रम मीट मीवाड आस्कना संगे मनविर इतेके, देवुळि मीवा पार्तानातुन केंजो आयगा।

येसुनेनाहक तिपल एतना

8 (नना बेव-बेव वेहतन, अविना) मोदुल पोल्लो इदे आंदु: मीट सबेटोरिर उंदिय विचरते मन्जि, ✨ ओर्विहक-ओर्वोग जीवा लोपवाल, तमोग-दादानलेहका जीवा केवाल, ✨ दुस्रैरेनाहक जीवा उनेम आयवाल, इद्रमलेहका मन्हटु. ✨ नना बेरोनन इन्जि पोगयनदायो. ✨

9 लाग्वाता बद्ला लाग्वा केमाटु, सरपता बद्ला सरप एमाटु. दुस्रोर मीकु अह कीतेकाय, मीट ओरिहक गूनम तोहाटु, बर्कतताड पोल्लोड वळहकाटु. ✨ मीटु इह कीसि, मीक देवुळताहि बर्कत दोर्कना इन्जि, ताना विचर मन्हता. ✨

10 पवित्र साम्रम वेहतपु,

नीकु गिर्दाता मनमूळ गावले इतेके,
बेसताड दियाड ऊळना इतेके

नीवा पोटाताहि लाग्वाड पोल्लोड
नीवा तोडटाहि जोल पोल्लोड पेसनायो.

11 लाग्वाड कबस्किन विळिसिसि, बेसताड कबस्क कीमु
सबेटोरगा अमेसा गूनमते मनदलाह पर्हका.

12 इद्रमतोर मन्कलोरिन देवुळि जीवा कीस बेस ऊळसोर मन्हता,
ओरा कोळ्व कीयनदिन, केव्क ओगिस केंजसोर मन्हता.

मति अदु लाग्वोरा अडम आस्ता. ✨

13 मीट अमेसा बेस कीयलाहि गिर्दाते मतेके, ✨ मीक लाग्वा केवालोर वेल्लाटोर मनदनुरा? ✨

✨ 3:7 3:7 इपिसुसतोर 5:25,28,33; कुलुसितोर 3:19 ✨ 3:8 3:8 रोम सहरतोर 12:16

✨ 3:8 3:8 1:22 ✨ 3:8 3:8 इपिसुसतोर 4:32 ✨ 3:8 3:8 इपिसुसतोर 4:2;

पिलिपितोर 2:3; 1 पत्र 5:5 ✨ 3:9 3:9 मत्याल 5:44; लूकाल 6:27-28; रोम सहरतोर

12:14,17-18,20-21; 1 कुरिततोर 4:12; 1 तिसलुनितोर 5:15 ✨ 3:9 3:9 2:21,23

✨ 3:12 3:12 देवुळताड पाटाड 34:12-16 ✨ 3:13 3:13 तीतुस 2:14 ✨ 3:13

3:13 बुदताड पोल्लोड 16:7

14 मति मीट बेसताडः कबस्क कीयनस्के, दुस्रो मीक तिपल कीतेकाय, देवुळि मीक देखा ईयगा. ✧ अदिहक ओरु पळिमडः ईतेकाय, मीट रेयमाटु. बार कीयनुरो इनजोर, आलिह केमाटु. ✧

15 मति येसु किर्स्तु मावा सामि इन्जि, मीवा जीवाते ओन मान ईसि मोळकाटु. येसुनगा मीट आसा तासतिर, ✧ ताना लोप्पा “इद बह रा?” इन्जि बोराय ताल्हकतेके, मीटु (आलिह केवा,) ओरिहक तेळियिह कीस वेहतलाह, अमेसा तयर मन्हटु. ✧

16 मति ओरिहक गूनमते, उड्ला पोल्लोते वेहाटु. ✧ मीवा कसुर तोहतलाह, बातय दोर्कवप मन्हटु. ✧ अस्के बोर मीकु अडम वळ्हकिह्तोर, ✧ ओर इंका मीटु किर्स्तुना लोकर आताहकु असल ताकिह्निर, तेन ऊळिसि पया तमाय लजा आयनुर, (लजा आसि तमाडः तोडिन मुचनुर). ✧

17 मीटु बेसताडः कबस्क कीसि, देबाडः तिनदना इनजोरे, देवुळता विचर मन्हता बहे. ✧ अह आतेके, लाग्वाडः कबस्क कीसि देबाडः तिनदना वाटो, असल मन्जि देबाडः तिनदना बेसु, इदिन सीता कीम्हटु. ✧

18 किर्स्तु इंका मावा पापमतेनाहकु देबाडः अर्सि डोलतोग, इद पोल्लोतुन मागडःमाटु. ओग सेतेमतोग मन्जाय, माकु देवुळतगा कलियिह कीयलाह, माट पाप्यह्लोरेनाहकु हातोग. ✧ ओना उंदिय मल्का डोलमुळ आता. ✧ लोकर ओनु हक्कताहकु, ओना मेंदुल डोलता. ✧ तेला मति जीवाते तेगिसि, ✧

19 ओग अन्जि हानादीपतगा दोहच मताडः हानस्किनु, देवुळता कबुर वेहतोग.

20 इव हानस्कु बेव इतेके, मुनेता कालमतोग नोहा मुय्तोग ओडा पंडनेके, देवुळता पोल्लो केंजवोराडः जीवाडः; ✧ अस्केडोर लोकर तमा पापमताहि मिळिन्दसि, देवुळतुन नमनुर इन्जि, ओडा मारनाहजोमु देवुळ अग ऊळसोर मता. ✧ मति सिरपि आटे लोकर देवुळतुन नमिसि, अद ओडाते उदताहकु, बूममेंड आतद

✧ **3:14 3:14** मत्याल 5:10; याकुब 1:12; 5:11; 1 पत्र 2:19-23; 4:15-16 ✧ **3:14 3:14** यशायाह 8:12-13; 1 पत्र 3:6 ✧ **3:15 3:15 1:3** ✧ **3:15 3:15** कुलुसितोर 4:6 ✧ **3:16 3:16 2** तिमोति 2:25 ✧ **3:16 3:16 1** तिमोति 1:5; इब्रितोर 13:18; 1 पत्र 3:21 ✧ **3:16 3:16 4:4** ✧ **3:16 3:16 2:12** ✧ **3:17 3:17 2:15; 4:19** ✧ **3:17 3:16-17 1** पत्र 2:19-20; 4:15-16 ✧ **3:18 3:18** रोम सहरतोर 5:2; इपिसुसतोर 3:12; इब्रितोर 7:25; 1 पत्र 2:21 ✧ **3:18 3:18** इब्रितोर 9:26,28; 10:9-10 ✧ **3:18 3:18 2** कुरिततोर 13:4; कुलुसितोर 1:22; 1 पत्र 4:1 ✧ **3:18 3:18 4:6** ✧ **3:20 3:20** पुट्युळि 6:3-5,13-14; इब्रितोर 11:7 ✧ **3:20 3:20** रोम सहरतोर 2:4

उड़ताह पिसतोर.✧

21 अद पोल्लोता लेहकाने, इंजेके (मीटु विस्वसिर आतिर अस्के,) येसुना पेदिरते एग मीताहकुकु, बेद लावते देवुळि येसु किर्स्तुनु हामुरताहि जीवा अर्हता, अदे लावते मीटु पिसिह्निर.✧ इद बेद्रमता इतेके, मेंदुदा माच एडगा इनजोरे, मीयनद आयो; मति नावा जीवा कसुरलेवप आयि इन्जि,✧ पूरा जीवाताहि देवुळतुन ताल्हकनद आंदु.✧

22 इंजेके येसु किर्स्तु देवुळदीपतगा अन्जि, देवुळबाबाना तिनळ बाजे (बेरा अदिकरता गादेते) उदतोग.✧(अदु बेचोन बेरा अदिकरता गादे इतेके,) सबे देवतुलुकु, सबे अदिकरते मनदनव लावताड जीवाड, ओना कय इळनु कीसीतव मन्हताड.✧

4

विस्वसिरा मनमुळ

1 बहलेहका किर्स्तु मयेनाहकु देबाड तितोग,✧ ओना लेहकाडा विचरते मन्जि, देबाड अरतेकाय तिनदकोम इन्जि, दीराते मन्हट.✧ बाराहक इतेके, बोर तमा मेंदुदागा तिपल एतहतोर, ओर पापम कीयना विचरताहि पिहट अरयहतोर.✧

2 अहे मीटु पिसनाड दियाड एवनाहि, मीटु लाग्वाड विचर्कने ताकलाह गिर्दा आयवा, देवुळता विचरते तिरियसोरे मनदकिर.✧

3 मुने मीटु देवुळतुन पुनवोरिर मतिर अस्के, लाग्वा विचरते तिरियताहकु, गोचुर आयना, सिंङ्गि-साट्याल आयना, कल लोटि आयना, वेल्लाटोर कलियिसि कडा रिमाते विचर वातप कीयना, बोमान मोळकना, इद्रमताड मीटु कीदिर.✧ मीटु मुने अह कीताड दियाड मारताड, इंजेटाहि अद्रमताड केमाटु.✧

✧ 3:20 3:20 पटमुळि 7:7; 2 पत्र 2:5 ✧ 3:21 3:21 तीतुस 3:4-5; 1 पत्र 1:3
✧ 3:21 3:21 1 तिमोति 1:5; 1 पत्र 3:16 ✧ 3:21 3:21 रोम सहरतोर 6:2-4; तीतुस
3:4-5; इन्नितोर 9:14; 10:22 ✧ 3:22 3:22 मार्कल 16:19; इन्नितोर 1:3; 4:14-15;
6:20 ✧ 3:22 3:22 रोम सहरतोर 8:38-39; इन्नितोर 1:6 ✧ 4:1 4:1 3:18 ✧ 4:1
4:1 2:21 ✧ 4:1 4:1 रोम सहरतोर 6:7 ✧ 4:2 4:2 रोम सहरतोर 6:2-4; कुलुसितोर
3:2-3 ✧ 4:3 4:3 1 कुरिततोर 12:2 ✧ 4:3 4:3 रोम सहरतोर 13:13; इपिसुसतोर 2:2;
4:17-24; 1 पत्र 1:14

4 इंजेक मीवा पाळना गोततोर, इद्रमताड लाग्वाड कबस्कने, मीट ओरिहक संग आयवाहकु, बयल आस्तोर. अदिहके ओरु बह इतेक अह वळ्हकना, कूडिड दायना कीस्तोर.✧

5 मति हातौरा, पिसतौरा नेयम कीयनद देवुळता मुनेह, ओरिहक लेका-जोका ईयाय पोयतगा,✧ इद्र पोल्लो मीट सीताते तासाट.

6 इदिनेनाहकु येसुना बेसता कबुरि हातोरिहक वने, (वेर हायनामुनेन) वेहतद मता.✧ वेर हातोरिहक, सबेटोर पापि मन्कलोरा लेहका, तमाड मेंदुस्कने हामुरता सिक्सा कोनि दोर्कताये. तेला मति अद बेसता कबुरतुन नमताहकु, वेराड जीवाड देवुळलेहका अमेसा पिससोर मनदा पगयनुड.✧ अदिहक ओरिहक बेसता कबुर वेहतद मता.

7 इंजेके इद्र दुनियाताड आक्रि दियाड गट्नेन एवताड. इद्र पोल्लोतुन सीता कीसि, मीट पार्तना कीयनस्के, उसरते मनदना इन्जि, अक्ने मन्हटु.✧

8 सबेट्काय बेसतल पोल्लो बेद इतेके, ओर्विहक-ओर्वोर्ग अमेसा पूरा जीवाताहि जीवा कीसोर मन्हटु.✧ अह कीतिर इतेके, मीट ओर्वोर्ग-ओर्विना पापमतुन मापि कीकिर.✧

9 बोराय जेकताहि मीवा लोन वातोर इतेके, जीवाते मुयोग आयवा,✧ ओरिन बेस ऊळाटु.✧

10 देवुळि ओर्विहक-ओर्विहक रीतरीतिनाड कबस्क कीयलाह, बुद ईता.✧ मीट देवुळ ईतव बुदिनु जबदरते काळडवालोर लेहका मन्हटु.✧ मन्जि, देवुळ तूसीतव बुदिनु, मीट ओर्विहक-ओर्वोर्ग कबळ अरयलाह काळडाटु.✧

11 बोन्क देवुळता पोल्लो वेहतलाह बुद दोर्कता, ओगु सेतेमते देवुळताड पोल्लोनु कुद देवुळिये वेहतपु, अद्रम वेहतना.✧ बोन्क सायता कीयलाह बुद दोर्कता, ओगु देवुळ ईतद लावते, दुसोरिहक सायता कीयना.✧ अस्के वेरु येसु किर्स्तुनाये

✧ 4:4 4:4 3:16 ✧ 4:5 4:5 बळयिर 10:42; रोम सहरतोर 14:12; 2 तिमोति 4:1; याकुब 5:9 ✧ 4:6 4:6 1:12 ✧ 4:6 4:6 3:18 ✧ 4:7 4:7 रोम सहरतोर 13:11; इब्रितोर 9:26; याकुब 5:8; 1 पत्र 1:13; 1 योहन 2:18 ✧ 4:8 4:8 1:22 ✧ 4:8 4:8 बुदताड पोल्लोड 10:12; 1 कुरिततोर 13:4; याकुब 5:20 ✧ 4:9 4:9 पिलिपितोर 2:14 ✧ 4:9 4:9 रोम सहरतोर 12:13; 1 तिमोति 3:2; इब्रितोर 13:2 ✧ 4:10 4:10 1 कुरिततोर 4:7 ✧ 4:10 4:10 1 कुरिततोर 4:1 ✧ 4:10 4:10 रोम सहरतोर 12:6-7 ✧ 4:11 4:11 बळयिर 7:38; 2 कुरिततोर 2:17; तीतुस 2:15; इब्रितोर 13:7 ✧ 4:11 4:11 रोम सहरतोर 12:6-8; इपिससतोर 1:19-20; 6:10

लोकुर इन्जि, दुनियातोर देवुळबाबाहक मान ईयनुर. ✧ सबे मान, डीसा, राजेम अमेसा अमेसात्कु सिरप ओन्के आयि! अहे आयि! ✧

विस्वसते वाताहक लोकुरा कुळसा

12-13 ए नावाड गोततोरिर, मीवा पोगोन वातदु किस मळगतपु, बेहरा तिपलतेनाहक बयल आयमाटु. माक इद बेद्रमता तिपल वाता रा इन्जि, आलिह केवाये गिर्दा आम्हटु. ✧ बाराहक इतेके, मीट इंका येसु किर्स्तुनाड तिपल्कने पोत्ला आतिर. ✧ अद्रमे ओगु मल्स वासि, सबेटोरिहक तना डीसा तोहतनोगा अस्के, ✧ मीट इंका ओना डीसाते कलियिसि, पका गिर्दा आयकिर. ✧

14 मीटु किर्स्तुना लोकुरिर मताहकु, बोगाय मीवा मोकम एग रेहतेके, ✧ मीट देयवातोरिर. ✧ बाराहक इतेके, मीवा पोगोन देवुळता जीवाता दळम मन्हता, अद मीकु देवुळता डीसा तोहतगा. ✧

15 मीटु हक्कतिर, कलतिर, बोबाड अरतिर, दुसोना कबळते कय बोयतिर ✧ इतेके, देबाड तिनदलाह ओप्पकिर. ✧

16 मति माट किर्स्तुनोरोम इन्जि देबाड तितेके, ✧ ताना लजा आयवा, किर्स्तुना पेदिर माक अरता इनजोर, देवुळतुन जोहर कीम्हटु. ✧

17 बाराहक इतेके देवुळि इद दुनियातुन नेयम कीयनद वेला एवता. अद मुने तनाये लोकुरा नेयम कीयगा. ✧ देवुळि माक वने नेयम कीयगा इतेके, देवुळता बेसता कबुर केंजवोरा बेचोन गोसा आयगा! ✧

18 सास्त्रमते रासतपु,

सेतेमतोगा मन्कहके बेरा तिपलते पिसमुळ आस्ता इतेके देवुळता सीता केवोरु पापि लोकुर, वेरा बह आयगा? ✧

✧ **4:11 4:11** 1 कुरिततोर 10:31; 1 पत्र 2:12 ✧ **4:11 4:11** रोम सहरतोर 11:36
 ✧ **4:12-13 4:12-13** 1:6-7 ✧ **4:12-13 4:12-13** रोम सहरतोर 8:17; 2 कुरिततोर 4:10; 1 पत्र 2:21 ✧ **4:12-13 4:12-13** 1:7 ✧ **4:12-13 4:12-13** रोम सहरतोर 8:18; 1 पत्र 1:4-5; 5:1; यहूदाल 24 ✧ **4:14 4:14** योहन 15:21; इब्रितोर 11:25-26
 ✧ **4:14 4:14** मत्याल 5:11; लूकाल 6:22; बळयिर 5:41; याकुब 1:12 ✧ **4:14 4:14**
 2 कुरिततोर 4:10-11,16 ✧ **4:15 4:15** 1 तिसलुनितोर 4:11; 2 तिसलुनितोर 3:11; 1 तिमोति 5:13 ✧ **4:15 4:15** 2:19-20; 3:17 ✧ **4:16 4:16** बळयिर 5:41; याकुब 2:7; 1 पत्र 4:14 ✧ **4:16 4:16** 2:12; 3:14,16-17 ✧ **4:17 4:17** यिर्मयाह 25:29; यहजेकल 9:6; आमोस 3:2 ✧ **4:17 4:17** 2 तिसलुनितोर 1:8 ✧ **4:18 4:18**
 बुदताड पोल्लोड 11:31; लूकाल 23:31; 1 तिमोति 1:9-10

19 अदिहक, मीट देवुळता विचरते तिपल आयवालोरिर, ✨ अमेसा बेसताड कबस्क कीसोर मन्हट्ट. मीक पुटिह कीतोगु, सेतेमतोग देवुळबाबाना कयदे, मीवा जीवातुन विळिससीम्हट्ट, (बाराहक इतेके ओग मीक वेहतद पोल्लोतुन करल कीयनोगे).

5

मुक्यालोरिहक, लेयोरिहक बुदिड-एदिड

1 इंजेके येसुना मुडगा मनवालोर, मीक मुक्यालोरिहक उंद पोल्लो. नना इंका मुक्यानन, येसु किर्स्तुना तिपलतुन कोंडामेंड ऊळतोनन, ✨ ओसो ओगु मलस वायहपा, ओना कदरते, डीसाते कलियवानन आंदन. ✨

2 नना मीक वेहतहनन, मीवा नडुम मनदनदु देवुळता गोहडटुन, कोपालोरा लेहका मन्जि, ओरिन बेस ऊळाटु. ✨ इद कबळ सारातुहक इनजोर केवा, देवुळता विचर इहे मन्हता इन्जि, गिर्दाते कीम्हट्ट. ✨ मालसोम दोर्कगा इन्जि आयो, ✨ मति देवुळतुन सेवा कीयहनन इन्जि, जीवातगडाहि गिर्दाते कीम्हट्ट.

3 मीट ऊळेवाळे कीयना इन्जि, देवुळि ईतोर लोकुरा पोगोन पका अदिकर ताकिह केवा, ✨ ओरिहक अग तोहवानलेहका मन्हट्ट. ✨

4 इद्रम मतिर इतेके, सबेटोरा बेहरा कोपाल येसु वानेके, ✨ मीकु बेस्केने मायवदु, बूळेम आयवदु डीसाता पायदा दोर्कगा. ✨

5 इहलेहका मीट लेयोरिर वने, बेरोरा पोल्लोते वग्डिस मन्हट्ट. ओसो मीटु सबेटोर विस्वासि लोकुरिर बुदते उड्ला आसि, ओर्विहक-ओवर्वाग सायता आम्हट्ट. ✨ बाराहक इतेके (पवित्र सास्रमवने इहे इन्हता):

नना बेरोनन इनवानु, देवुळि अडम आस्ता,

मति नना उड्लोनन इनवाहक, देवुळि देव्या ईस्ता. ✨

✨ 4:19 4:19 3:17 ✨ 5:1 5:1 लूकाल 24:48; 1 योहन 1:1 ✨ 5:1 5:1 रोम सहरतोर 8:18; 1 पत्र 1:4-5,7; 4:12-13 ✨ 5:2 5:2 योहन 21:16; बळयिर 20:28 ✨ 5:2 5:2 पिलेमोन 14 ✨ 5:2 5:2 1 तिमोति 3:8 ✨ 5:3 5:3 यहजेकेल 34:4; मत्याल 20:25-26; मार्कल 10:42-43; 2 कुरिततोर 1:24 ✨ 5:3 5:3 योहन 13:13-16; पिलिपितोर 3:17; 1 तिसलुनितोर 1:7; 2 तिसलुनितोर 3:9; 1 तिमोति 4:12; तीतुस 2:7-8 ✨ 5:4 5:4 इब्रितोर 13:20-21; 1 पत्र 2:25 ✨ 5:4 5:4 1 कुरिततोर 9:25; 1 पत्र 1:4-5 ✨ 5:5 5:5 3:8 ✨ 5:5 5:5 बुदताड पोल्लोड 3:34; मत्याल 23:12; लूकाल 14:11; याकुब 4:6

(इद पोल्लो मीट सीताते तासाट.)

6 अदिनेनाहकु मीटु बेरा लावता देवुळता मुनेह, माट उड्लोरोम इन्जि ताकतिर इतेके, ओप्पनद कगोते देवुळि मीक बेरा कीयगा.✧

7 देवुळिये मीकु सीता कीस्ता इनजोर, मीवा कतम आल्सुळतुन ताना कयदे विळिससीम्हट.✧

पट ऊळना मोका

8 उसर आम्हटु! सीताते मन्हटु!✧ मीवा अडम मनदनद देयहकना मुक्याल, कहचनद सिङ्गुललेहका, बोन पोसि पिळह-पळह कीस तिनदकन इनजोरे तिरियिहता.✧

9 मति मीट विस्वसते निच मन्जि,✧ ताना अडम मन्हटु.✧ दुनियामेंड मनवालोर विस्वसिर, इद्रमताये तिपलते मन्हतोर इन्जि,✧ मीट सीता कीम्हट.

10 माक कतम देव्वाड ईयनद देवुळि, येसु किर्स्तुना संगे, मीकु बेस्केन मायवदु डीसाते कलियलाह केयता.✧ इद रेंड दियाना मनमुळते, मीटु गयक तिपल आतापया,✧ देवुळ मीकु ओसोवने बेस कीसि तासगा. अद मीवा विस्वसतुन मेग्किह कीसि, मीक लाव ईसि, निल्पिह कीयगा.✧

11 देवुळि अमेसा अमेसात्कु राजेम कीयि! अहे आयि!✧

आक्रिता जोहर

12 नना मीकु इद उड्ला सीटि,✧ नावा तमोगलेहका मनवाल, कर्तुळ विस्वसि सीलास,✧ वेना साय्ताते रासिस लोहतहनन. मीकु बाताले आयि, देवुळता देव्वा मियगा अमेसा तोळ मन्हता इन्जि, मीकु तेळियिह कीयलाहि, ओसो पेग्के-मुनेह आलिह केवा, मीट विस्वसतुन पोस मन्हटु इन्जि बुद वेहतलाह,✧ नना इद सीटि रासतन.

✧ 5:6 5:6 मत्याल 23:12; लुकाल 14:11; 18:14; याकुब 4:10 ✧ 5:7 5:7 देवुळताड पाटाड 55:22; मत्याल 6:25; पिलिपितोर 4:6 ✧ 5:8 5:8 1:13 ✧ 5:8 5:8 योहन 8:44; 2 कुरिततोर 2:11 ✧ 5:9 5:9 इपिसुसतोर 6:11-13; कुलुसितोर 2:5 ✧ 5:9 5:8-9 याकुब 4:7 ✧ 5:9 5:9 इब्रितोर 12:8 ✧ 5:10 5:10 1 कुरिततोर 1:9; 2 कुरिततोर 4:17; 1 तिसलुनितोर 2:11-12; 2 तिमोति 2:10; 2 पत्र 1:3 ✧ 5:10 5:10 1:6 ✧ 5:10 5:10 रोम सहरतोर 16:25; 2 तिसलुनितोर 2:17; 3:3; इब्रितोर 13:20-21 ✧ 5:11 5:11 रोम सहरतोर 11:36 ✧ 5:12 5:12 इब्रितोर 13:22 ✧ 5:12 5:12 2 कुरिततोर 1:19 ✧ 5:12 5:12 1 कुरिततोर 15:1

13 मीवा लेहका बेबिलोनते मनवालोर् विस्वसिर मीवा सीता कीय्हनोम इन्हतोर.* मार्कल इंका नावा पेकानलेहका मन्हतोग,☆ ओग वने मीवा सीता कीय्हनन इन्हतोग.

14 मीट लोकुरिर ओर्विहक-ओर्वोग जीवा वाटसोरे जोहर कीम्हटु.☆ किस्तुना लोकुरिर सबेटोरिर बेस पिसाटु.

* **5:13 5:13** अद कालमते वेल्लाटोरे लोकुर रोम सहरतुन पेदिर पोयतलाह रेयिसि, तान बेबिलोन इनजोर इंदुर. ☆ **5:13 5:13** बळयिर 12:12,25; 15:37,39; कुलुसितोर 4:10; 2 तिमोति 4:9-11; पिलेमोन 24 ☆ **5:14 5:14** रोम सहरतोर 16:16; 1 कुरिततोर 16:20; 2 कुरिततोर 13:12; 1 तिसलुनितोर 5:26

Hill Madia
Hill Madia standard translation

copyright © 2021 Wycliffe Bible Translators, Inc.

Language: (Maria)

Contributor: The Seed Company

All rights reserved.

2025-05-15

PDF generated using Haiola and XeLaTeX on 14 May 2025 from source files
dated 15 May 2025

9f0bdb58-21f8-514e-8286-5b2942b7d458